

REPUBLIKA E KOSOVËS/REPUBLIKA KOSOVA/REPUBLIC OF KOSOVO
Qeveria e Kosovës / Vlada Kosova / Government of Kosovo
Ministria e Financave / Ministarstvo za Finansije
Ministry of Finance
Arkiva - Arhiva - Archive

Nr. Pro. 02/NP/2022
Nr. Prot. 129-1/2022
Nr. i ftoqesve 7
Broj listanika
N. e. pages
Datum 07.03.2022
PRISHTINE/A



Republika e Kosovës
Republika Kosova - Republic of Kosovo
Qeveria - Vlada - Government

*Ministria e Financave, Punës dhe Transfereve - Ministarstvo Finansija, Rada i Trasfera -
Ministry of Finance, Labour and Transfers*

Për:	Ramiz Lladrovci , Kryetari i Komunës së Drenasit Milaim Hajdari , Kryesues i Kuvendit të Komunës	
Kopje:	Elbert Krasniqi , Ministër në Ministrinë e Administrimit të Pushtetit Lokal Trim Berisha , Sekretar i Përgjithshëm, Ministria e Administrimit të Pushtetit Lokal Njësia për Administrimin e Dokumenteve, Ministria e Administrimit të Pushtetit Lokal	
Përmes:	Hekuran Murati , Ministër në Ministrinë e Financave, Punës dhe Transfereve Enis Spahiu , Zv. Sekretar i Përgjithshëm, Ministria e Financave, Punës dhe Transfereve	
Nga:	Klit Shala , Zv. Drejtor i Departamentit Ligjor, Ministria e Financave, Punës dhe Transfereve	Datë: 11.02.2022
Zyrtarët përgjegjës:	1. Zyrtari hartues i vlerësimit ligjor: Elmedina Bajgora , Zv. Udhëheqëse e Divizionit për Mbikëqyrjen e Zbatimit të Legjislacionit, të Mbështetjes Ligjore dhe të Bashkëpunimit Ndërinstitucional në Fushën e Legjislacionit, Ministria e Financave, Punës dhe Transfereve 2. Zyrtari konfirmues i vlerësimit ligjor: Besiana Kurshumliu , Zyrtare e Lartë për Vlerësimin e Ndihmës Shtetërore, Ministria e Financave, Punës dhe Transfereve	Referencë: 005/2022
Lënda:	Konfirmimi i ligjshmërisë së aktit të Komunës së Drenasit	
Lloji i aktit:	Vendim	



I nderuari Kryetar z. Lladrovci,
I nderuari Kryesues z. Hajdari,

Në pajtim me Rregulloren (QRK) Nr. 10/2019 për Shqyrtimin Administrativ të Akteve të Komunave, plotësuar dhe ndryshuar me Rregulloren (QRK) Nr. 06/2021, e në bazë të kompetencave ligjore të Ministrisë, të përcaktuara me ligjet bazike dhe Rregulloren (QRK) Nr.

02/2021 për Fushat e Përgjegjësisë Administrative të Zyrës së Kryeministrit dhe Ministrive, plotësuar dhe ndryshuar me Rregulloren (QRK) Nr. 04/2021, Departamenti Ligjor i Ministrisë së Financave, Punës dhe Transfereve, ka pranuar për shqyrtim të detyrueshëm të ligjshmërisë, ashtu siç parashihet me nenin 81 të Ligjit Nr. 03/L-05 për Vetëqeverisje Lokale, aktin komunal si në vijim:

<i>Vendim Nr. 12-400/01-4121 për lirimin nga pagesa e peronizimit për kompanitë e transportit publik të udhëtarëve me autobus</i>
<i>I miratuar më datë 26.01.2022</i>
<i>I parashtruar për shqyrtim në Ministrinë e Administrimit të Pushtetit Lokal më datë 27.01.2022</i>
<i>I dërguar për shqyrtim në Ministrinë e Financave, Punës dhe Transfereve më datë 01.02.2022</i>

Ministria e Financave, Punës dhe Transfereve (këtej e tutje referuar si “Ministria”), pas shqyrtimit të përmbajtjes së aktit të mësipërm të Komunës së Drenasit, jep konstatimet e mëposhtme:

1. Komuna e Drenasit, me anë të aktit administrativ që është subjekt i shqyrtimit, synon lirimin nga pagesa për kompanitë e transportit publik të udhëtarëve me autobus.
2. Me relevancë për shtjellimin e këtij vlerësimi, masa e përcaktuar në aktin administrativ ndikon në reduktimin e të ardhurave të Komunës së Drenasit. Si rezultat, akti komunal i plotëson kriteret për t’iu nënshtruar rregullave të ndihmës shtetërore, të përcaktuara me Ligjin Nr. 05/L-100 për Ndhimën Shtetërore (këtej e tutje referuar si “LNSH”), marrë për bazë se ky i fundit potencon që ndihmë shtetërore konsiderohet edhe çdo reduktim i të ardhurave të shtetit.
3. Duke pasur në konsideratë se në vendim nuk precizohet vlera e ndihmës së dhënë, konform interpretimeve të LNSH-së, mbetet obligative për Komunën të respektojë dispozitat vijuese:
 - 3.1. Nenin 7: Ndhima “De Minimis” të LNSH, nëse kemi të bëjmë me përfitime në vlerë deri në 200,000 EUR (për 3 vite fiskale), dhe kështu sipas Nenit 19 të Rregullores (QRK) Nr. 04/2020 për Ndhimën “De Minimis”, institucioni dhënës obligohet që brenda 15 ditësh pas dhënies së ndihmës të raportojë nëpërmjet formularit të njoftimit, konform Shtojcës 1 dhe 2 të Rregullores në Departamentin e Ndhimës Shtetërore në Ministri; dhe
 - 3.2. Nenin 11: Njoftimi për ndihmë shtetërore të LNSH, për vlera tjera, dhe kështu sipas Rregullores (QRK) Nr. 19/2018, për Procedurat dhe Format e Njoftimit për Ndhimën Shtetërore, institucioni dhënës obligohet të bëjë njoftimin e Ndhimës në Departamentin e Ndhimës Shtetërore, duke plotësuar formularët e njoftimit (pjesë shoqëruese të kësaj Rregullore), me kusht që ndihma e njoftuar nuk krijon efekt para autorizimit nga Komisioni i Ndhimës Shtetërore.
4. Si përfundim, dhe duke marrë për bazë konstatimet e mësipërme, akti administrativ i Komunës së Drenasit nuk është në kundërshtim me dispozitat në fuqi – me kusht që sqarimet e theksuara në këtë shkresë të merren parasysh nga Komuna gjatë procedimit të mëtejshëm.

Ministria mbetet në dispozicion të Komunës së Drenasit dhe/apo Ministrisë së Administrimit të Pushtetit Lokal për çfarëdo sqarimi të mëtejshëm lidhur me këtë vlerësim.

Me respekt!

*****Interpretimi i dhënë nga Ministria e Financave, Punës dhe Transfereve përkitazi me këtë çështje mbështetet vetëm në këndvështrimet që prekin fushëveprimin legjislativ të Ministrisë së Financave, Punës dhe Transfereve*****



**Republika e Kosovës
Komuna e Drenasit
Kuvendi i Komunës**



Nr. 12-40261-4121 dt. 26/01 2022

Bazuar në nenit 11,12 dhe 40, të ligjit për vetëqeverisje lokale nr.031/L-040 , nenit 34, pika 34.6 të Statutit të Komunës së Drenasit, Ligjit 07/L-006, për Parandalimin dhe luftimin e Pandemisë COVID-19, Rregullorës nr. 12-400-16587, për Taksa, Tarifa dhe Gjoha dhe kërkesës se Shoqatës se Transportit Publik të udhëtarve me Autobus “Dernasi”, më dt.18.01.2022 nr.13-070-2569, Kuvendi i Komunës së Drenasit në mbledhjen e mbajtur me date, **26. 01. 2022**, miratoi këtë:

V E N D I M

Për lirim nga pagesa e peronizimit për kompanit e transportit publik të udhëtarve me autobus për linjat urbano-periferike dhe ndërrurbane që shfrytzojnë stacionin e autobusve në Glllogoc, për operim.

Neni 1.

Me këtë Vendim, kërkohet lirimi nga pagesa e peronizimit për kompanit e transportit publik të udhëtarve me autobus për linjat urbano-periferike dhe ndërrurbane që shfrytzojnë stacionin e autobusve në Glllogoc për operim.

Neni 2.

Lirimi nga pagesa e peronizimit, është në afatin kohor prej 6 muajsh, nga miratimi i këtij Propozim –Vendimi, me mundësi vazhdimi , varësisht prej gjendjës se krijuar Pandemike nga COVID-19.

Neni 3

Për zbatimin e këtijë Vendimi, kujdeset Kryetari i Komunës, Drejtoria për Buxhet e Financa dhe Drejtoria për Shërbime Publike dhe Emergjencë.

Neni 4

Ky vendim hynë në fuqi 15 ditë nga dita e regjistrimit dhe vlerësimit të ligjshmërisë nga MPL-ja, si dhe 7 ditë nga publikimi në Web faqen zyrtare të Komunës.

Vendimi i dërgohet:

- Zyrës së Kryetarit ;
- Drejtorisë Përkatëse;
- Zyrës së Kuvendit;
- Arkivit



Kryetari i Kuvendit të Komunës

Elaim Hajdari